

Baluwa jhubhele jha Yohane Ulongolelo

Baluwa jhubhele jha Yohane ikajhandikwe na ntenga Yohane pakate jha muchaka cha makome nhwano na makome ticha pabhelwika Yecho Kilichitu. Yohane akilongolelajhe jwenio ndi jwajhandike, nambo akikemita jwenio ndi munahota. Ilebhe ibhii mu baluwa jhenje ndi tela na ibhii mukitabo cha Lilobhe lya Mbone chikijhandikwe na Yohane. Baluwa jhenje achwa ilongela lilaghalikilo lya Yecho lya kupalana na patuleta pamonga Yecho jwa upalano na kukengama lilaghalikilo lyake, mu chula jha 1:5-6, Yoh 15:9-10. Inhobheleka kubhehe Yohane akajhandike chimo cha itabo ncheche ya Lilobhe lya Mbone jha Yecho Kilichitu, pamonga na baluwa itato, yane baluwa jha kutumbula na jha ubhele na jha utato jha Yohane pakibha atamita ku muche gwa ku Epecho.

Yohane akanyandikile baluwa jhenje mbujha jwahaghulilwe pamonga na yana yake, nambo pange ibhonekana akibha alijhandikila lilongo lya bhando lilinyeketii Kilichitu. Yohane akajhandike baluwa jhenje kwaleke mwojho lilongo lya bhando bhuhanyeketii Kilichitu na kwakelebhuhwa nhwalo gwa akabhola bhuwange.

Ghughabhii mukitabo

Yohane atumbu kwajhambucha na kulangiha baluwa jhenje na kulonge ndi akina ghane

abhajhandikila, mu chula jha 1:1-3.

Peniya abhaleke mwojho bhando bhuhanyeketii Kilichitu na kwakombocha lilaghalikilo lilibhi likolongwa, mu chula jha 1:4-6.

Kabhele abhakelebhuha bhando kwa malobhe gha bhabhola bha uwange, mu chula jha 1:7-11.

Yohane ijhomolela baluwa jhake kwa kwapela akachomajhe bhake chalamo kubhoka kwa lilongo lya bhando lilinyeketii Kilichitu lyatamita.” Mu chula jha 1:12-13.

¹ Nenga nakighogholo ninnyandikii mwenga ambujha jhuhaghulilwe pamonga na lilongo lya bhando lilinyeketii Kilichitu linilipahi hake.

Chi nenga tugha, nambo bhoha bhibhamanya uchakaka ndi bhibhampala mangota,

² nhwalo uchakaka ubhii nkate jhito naujhendelela kubhehe na twenga machiko ghoha ghangapeta.

³ Umbone na kiya na uteeke ghuhuma kwa Chapanga Tate na kwa Yecho Kilichitu, Mwana gwa Tate, ubhaha pamonga na twenga mu uchakaka na upalo.

Uchakaka na upalo

⁴ Nikahangine hake kulola panakate jha yana hino bhabhii, bhitama mu uchakaka ngita Tate chatulobholile.

⁵ Bhahe, ngohe mbujha, ngwete chimo cha kunyope kwino, tupalane. Kujhopa kongo chi lilaghilo lihyono, nambo ndi lilaghilo lelalela litubhinalo kubhoke pitutumbwila.

⁶ Kupalana ndi kongo: Kutama kwa kukamuu nhwilo gwa Chapanga. Lilaghilo limujhohina kuhumii makacho ndi lende. Mabhoha mipalwa kutama kwa kupalana.

⁷ Bhando bhamahela bhibhahobhecha bhando bhabhii pannema, bhando bheniya bhijheketejhe ngita Yecho Kilichitu ahikiti kwito kwa yegha jha kimundo. Mundo jwalonge naha ndi nhwange na ankana Kilichitu.

⁸ Yene mukichunge mabhene nkoto kuhobheha chela chimukihengela lihengo, nambo uhike kupokela hupo jhino telatela.

⁹ Mundo jhojhoha jwajhonjekeya chochoha na jwangatamikii mu mabholo gha Kilichitu, jwenio akwetii jhe Chapanga. Nambo jwajhendere kutama mu mabholo gheniya, akwete Tate na Mwana hele.

¹⁰ Kwa gheniya, mundo ahika kwino mangota na changammola mabholo gheniya, nkoto kumpoke kajhino hilu mangannyambucha.

¹¹ Nhwalo jwanyambucha mundo jwenio, abhii nako pamonga mu kuhenga ghangandela.

Malobhe gha kujhomolela

¹² Ngwete ghamahena ghakunnobhole, nambo mbahijhe kulonge kwa kunnyandikila, nambo nihobholela pumbakuhika kwino kulonge pamonga na mangota kupala luhangano lwito lukamilike.

¹³ Yana ya nnombo gwino ihaghulilwe na Chapanga innyambucha.

Ndendeule

Ndendeule: Ndendeule (New Testament) for Tanzania

copyright © 2020 The Word for the World International

Language: (Ndendeule)

Contributor: The Word for the World International

The New Testament in Ndendeule Language.

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

PDF generated using Haiola and XeLaTeX on 1 May 2025 from source files dated 1 May 2025

463e1ded-27ea-5916-a8ed-170cdb8d87e3